



B kōo maam yeɪ a nu, b pa reng n kō-b ned mam taoor ye

Yii a Gεεbr [bn‘Abdullaah nengē, (Wënd yard be b yiibã yīnga), tɪ Nabiyaamã, (Wënd puusg la A tilgr be a yīnga), yeelame: «B kōo maam yeɪ a nu, b pa reng n kō-b ned mam taoor ye, b sōnga maam ne pɛleng-yɪka kiuug kēnd zīigē, la b maan Tēngã ne maam tɪ yaa miisri la yɪlgre, rēnd ned ning fãa sēn be mam poorē rãmbē wã, Puusg sēn paam-a fãa, bɪ a puuse, la b maan Ganiim arzɛk tɪ ya halaal ne maam, la b ka maan-a tɪ yaa haalaal ne ned mam taoor ye, la b kō maam Sugsgu, la nabiyaam fãa rag n tumsda a nebē wã toor zalle, la b tumsa maam nebã gill nengē».

[Naşun Şahuhun (Gom-sikdem sēn manege)] [B zemsa taab a zugu (A Al-Buħariy la a Muslim n reeg-a)]

Nabiyaamã kōo kibare (Wënd puusg la A tilgr be a yīnga) tɪ ad Wënd kōo yēnda yeɪ a nu, b pa reng n kō-b nabiyaamã yē taoor ye: Rēnemã: b sōnga maam ne pɛlen-yɪka, tɪ b lob-a mam bεεbã sūyã pugē, baa tɪ maam ne b sukã zãrem sēn ta kiuug kēnd zīigē. Yiib soabã: b maana Tēngã ne maam tɪ yaa miisri, tɪ tōnd puusd d sēn beē fãa, la yɪlgr ne tom, b sēn wat n kong koom wakato. Tãab soabã: b maan zabrã Ganiim arzɛk tɪ yaa halaal ne tōndo, la yēnda la lɪslaambã sēn rɪkd b zabrē wã ne kɪfr-rãmbã. Naas soaba: b kō maam Sugsg kãsenga sēn na peemes nebã n yi dūni yikr raarã yalsgã pelen-yɪkã. Nu soaba: b tumsa mamm bōn-naandsã gill nengē, b nebē la b zīn-rãmbē, la woto yōsga ne mam taoor nabiyaam-rãmbã, b rag n tumsd-b-la b nebē wã toor zall bala.

<https://sunnah.global/hadeeth/mos/show/3503>

